

吉林府縣志輯

三國地志合集

民國輯安縣志  
光緒輯安縣志  
民國雙山縣志  
民國雙山縣志  
光緒東平縣志




圖

縣

安

輯



# 中國地方志集成

吉林府縣志輯 ⑦

民國輯安縣志

光緒輯安縣鄉土志

民國輯安縣志


民國雙陽縣鄉土志

光緒東平縣鄉土志

宣統奉天省靖安縣志

光緒靖安縣鄉土志

鳳凰出版社 ● 上海書店 ● 巴蜀書社










第五区图



例 图

虚线	区界
点线	村界
○	村委会
◎	村公所
◎	农业局
▲	公社学校
文	学校
C	邮政
粗实线	路
细实线	河
细虚线	沟







輯安縣志序

今歲十月奉令宰輯檢閱前卷有奉令修志之舉及詢以修志事則已脫稿計編四卷卷帙頗鉅余維修志與著史似實而同非學識明通不足與以甄擇非備列群籍不足以資參稽非延攬遺賢不足以備諮詢迺輯安圖書館藏書無多又其時代遠隔未有刊本文獻無徵搜羅匪易今張君拱垣有所建白任君敬堂督修其事于君靈峰郭君毅甲王君純仁都君本德皆經學老宿慘淡經營所著闕乎地方情形最為詳確又有各區長藍印蔚等多方採訪現已藏事余甫蒞斯邑獲觀厥成於以知此志印佈後修首志者將於此取材修縣志者亦因此得所依據不禁自幸而又為斯邑幸也於是乎序

中華民國十九年十二月 日襄平蘇顯揚識

蘇顯揚

輯安縣志序

輯安古之巖疆也地處邊隅與日韓接壤自前清末葉設治迄今已二十餘年矣余於乙丑年春由撫松調任斯邑見夫人文蔚起戶口殷繁與山川之形勝地勢之險要誠為東邊重鎮而縣志一書尚付缺如雖前有鄉土誌亦簡略不備敬遺無存曾於招集地方士紳會議之時舉修志書深荷贊同正籌辦間適奉

省令督促創修縣志余遂委任教育所長任君敬堂總理其事並分派調查各員着手進行一而延聘耆儒張君拱垣充任總編輯之職時閱一載規模粗具因故帙而增益按近事以擴充折衷至當採訪靡遺又經張君星聯詳加考訂重行較正而因以觀成雖紀臚事鉅蒐輯體嚴不免疏漏之貽譏而別類分門條列縷載庶期參稽之有自後之人士倘能修飾而潤色之是尤余之所深願者也因援筆而為之序以志顛末云爾

中華民國十七年五月二十日中州劉天威謹識

輯安縣志序

縣之有志猶家之有譜國之有史也國有史所以紀興亡之迹通古今之變家有譜所以奠世系之本  
象辨昭穆之倫次縣有志所以攷地方之沿革知人事之推遷抑且觀摩往迹昭示來茲甚矣縣志之  
不可缺也予以戊辰之夏奉命攝輯安縣篆閱數月教育所長任桂芳君以所編縣志馬予為序予既  
樂觀其成惡能默爾無言按輯安首在唐虞盛世為息慎氏界其時朝貢已入中國周秦之世蓋屬朝  
鮮封地武王克商封箕子於朝鮮而不臣其勳氣節而不私疆土誠非後世所及漢初高句麗建都於  
此蠶食百蠻武功稱盛厥後魏毋丘儉出玄菟征高麗懸車束馬而登丸都中國武功固嘗彪炳海東  
綏靖荒服矣降及所清代謝鴨江之賓莫非吾土然清初猶置為荒邊人烟絕少光緒二年開邊設治  
初分屬通桓二縣二十八年劃通化之五保並桓仁之五保半為保護輯安縣治民國仍之其縣境居  
民大率皆由山東等省移殖於此雖邑懸僻遠交通多阻文野不齊而先聖遺教抱殘守缺猶有可觀  
惟是從來開國首重籍圖自昔經邦必徵文獻是以廣輿有記柱下藏百國之書括地成篇外史掌四  
才之志乃輯邑舊有鄉土誌距今已三十餘年改革以來時移物換迥異尋常自非重修才乘不足以  
敷治績而續典章比年幸當道督促於上地方人士奮興於下博採旁徵續年累月而後纂修縣志以  
底於成知編者之用心精矣志中關於人才之記載固不能與通都大邑較量感哀然設治僅二十餘

總學校已設有六十七處莘莘學子達三千五百餘人夫以炎黃之胄來自鄒魯之邦椒衍瓜縣人文  
蔚起後之視今當有不可同日而語者予一官匏繫因勢利導力絀心餘深望地方人士能於教育實  
業前途通力合作俾臻至善庶十年樹木會看桃李之成陞大國良材盡是棟樑之合抱江山毓秀齊  
魯同青他日續修縣志必有為縣志增光者推而光及家乘國史亦將於縣志攷人才之躋進與夫地  
方事業之發展矣是為序

中華民國十七年十一月

署輯安縣知事古越俞樂慶謹

序

竊以省有通志邑有縣志由來舊矣志也者所以識前言往行以詔來者擬時事敦實以垂世變此制度典章因革消息無不於志徵之矣清光緒季年縣長吳公曾聘于君智緣編輯鄉土志一書稿成吳公去職因以擱置嗣後輾轉借閱原稿軼失今監督劉公倡修縣志諸君竭盡心思才力探奧索隱越年餘然後斐然成帙予披覽斯編覽一縣之民情政治風俗宛然在目今將付梓任君桂芳函徵序言予時在縣立十三校在職聞之不禁暢然以輯安壤地褊小之邑設治未久之區竟得此書之速成也是以於匆忙之下不計工拙援筆直書以期後起人士共知縣志創修之有自也云爾

中華民國十七年五月十日

趙國賓謹識

序

六

編讀國無掌故文獻無徵縣無志書參攷奚自故國有史而歷代之事蹟於焉以著縣有志而地方之文物賴以不墜是編輯志書誠為不可緩之舉也輯安壤地褊小界接朝鮮其險要山川可供軍事之參考民情風俗有關政治之措施雖前有鄉工志亦簡略不詳往事既無從考覈新政又未能紀載後之人士將何以資觀感幸乙丑春中州劉公來守斯邑以輯安夙稱重鎮古蹟獨多新政頻興文物煥發倘無紀載之編奚當韜軒之孫爰委教育所長任君教堂為編修縣志經理員延聘耆儒張君拱垣郭君殿甲王君純仁擔任編輯集地方之資財竭諸君之心力時閱一載而斯書始成舒也不才從事校閱披覽之餘見體制崇宏規模完備凡疆域之沿革山川之險要土地之肥瘠物產之豐嗇與夫政治之變遷人文之優劣靡不摛羅詳盡考覈確鑿觀風問俗既堪為異日之典型挈領提綱尤足供將來之考鏡因而不揣謏陋濡筆贅言略誌梗概云爾

中華民國十七年五月十五日 星聯張文舒序